



REPUBLIKA E SHQIPËRISË
KËSHILLI I LARTË I PROKURORISË

Nr. 2116/1 Prot.

Tiranë, më 01.08.2025

VENDIM

Nr. 203, datë 25.07.2025

**“PËR TRANSFERIMIN E PROKURORIT LORENA SALILLARI NË
PROKURORINË PRANË GJYKATËS SË SHKALLËS SË PARË TË
JURIDIKSIONIT TË PËRGJITHSHËM ELBASAN, NËPËRMJET PROCEDURËS
SË LËVIZJES PARALELE”**

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar (në mungesë)
5. Arta MANDRO	Anëtar (në mungesë)
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar
9. Olger EMINAJ	Anëtar (në mungesë)
10. Erind MERKURI	Anëtar (në mungesë)
11. Erion FEJZULLA	Anëtar

Në mbledhjen plenare të datës 25.07.2025, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

“Për transferimin e prokurorit Lorena Salillari në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele”

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 2116 prot., datë 23.07.2025, të Komisionit të Zhvillimit të Karrierës, dëgjo i relatorin z. Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë (në vijim Këshilli) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Me Vendimin nr. 27, datë 14.02.2025, *“Për shpalljen e 23 (njëzet e tre) vendeve vakante për procedurën e transferimit nëpërmjet lëvizjes paralele në prokuroritë pranë Gjykatave të Shkallës së Parë të Juridiksionit të Përgjithshëm, si dhe shpalljen e 3 (tre) vendeve vakante nëpërmjet procedurës së ngritjes në detyrë në Prokurorinë pranë Gjykatës së Apelit të Juridiksionit të Përgjithshëm”*, Këshilli shpalli 23 (njëzet e tre) vendeve vakante në Prokuroritë pranë Gjykatave të Shkallës së Parë të Juridiksionit të Përgjithshëm Durrës, Elbasan, Fier, Shkodër dhe Tiranë. Njëri ndër vendet e shpallura është pozicioni vakant nr. 1, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan.
3. Të dhënat lidhur me subjektet që kanë të drejtë të kandidojnë, kushtet ligjore, afati deri kur pranohen aplikimet etj, janë njoftuar në faqen zyrtare të internetit të Këshillit në datë 20.02.2025. Pas përfundimit të afatit të aplikimit në datë 06.03.2025, me Vendimin nr. 55, datë 27.03.2025, *“Për miratimin e listës së prokurorëve që kanë kandiduar nëpërmjet procedurës së lëvizjes paralele për vendet vakante në prokuroritë pranë gjykatave të shkallës së parë të juridiksionit të përgjithshëm, të shpallura me Vendimin nr. 27, datë 14.02.2025, të Këshillit”*, Këshilli miratoi listën e prokurorëve që kandiduan nëpërmjet lëvizjes paralele për vendet vakante në Prokuroritë pranë Gjykatave të Shkallës së Parë të Juridiksionit të Përgjithshëm, shpallur me vendimin nr. 27, datë 14.02.2025.
4. Me Vendimin nr. 56, datë 27.03.2025, *“Për caktimin e relatorit për procedurën e transferimit nëpërmjet lëvizjes paralele për kandidatët që kanë kandiduar për vendet vakante në prokuroritë pranë gjykatave të shkallës së parë të juridiksionit të përgjithshëm, të shpallura me Vendimin nr. 27, datë 14.02.2025, të Këshillit”*, Këshilli caktoi nëpërmjet procedurës së hedhjes së shortit, relatorët për secilin pozicion të shpallur sipas vendimit nr. 27, datë 14.02.2025. Për pozicionin vakant nr. 1, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan u zgjodh relator z. Sokol Stojani.
5. Në zbatim të neneve 11 pika 1 dhe , si dhe nenit 18, pika 1 të Vendimit nr. 261, datë 17.11.2020, *“Për miratimin e Rregullores “Për transferimin e prokurorëve nëpërmjet procedurës së lëvizjes paralele”*, e ndryshuar (në vijim Rregullorja), Relatori ka njoftuar kandidatët për këtë pozicion, në rrugë elektronike (me e-mail), në datë 31.03.2025 dhe 30.04.2025, për fillimin e procedurës së verifikimit të kushteve ligjore të kandidimit, si dhe për të drejtën për të kërkuar përjashtimin e relatorit, apo ndonjë anëtar i Këshillit, në rast të ekzistencës së një situatë konflikti interesi.
6. Meqenëse pas kalimit të këtij afati nuk ka pasur asnjë kërkesë për përjashtimin e relatorit, është filluar puna për verifikimin e plotësimit të kriterëve të vlerësimit nga ana e kandidatëve, bazuar në nenin 43 të ligjit nr. 96/2016 *“Për statusin e gjyqtarëve*

dhe prokurorëve në Republikën e Shqipërisë” i ndryshuar (në vijim Ligji për Statusin), si dhe nenet 8, 15, 21 të Rregullores.

7. Me Vendimin nr. 91, datë 14.05.2025, *“Për verifikimin e kushteve ligjore të kandidatëve në procedurën e transferimit nëpërmjet lëvizjes paralele, për vendet vakante në prokuroritë pranë Gjykatave të Shkallës së Parë të Juridiksionit të Përgjithshëm shpallur me vendimin nr. 27, datë 14.02.2025, të Këshillit të Lartë të Prokurorisë”,* Këshilli miratoi listën emërore të kandidatëve që kanë aplikuar në këtë procedurë administrative.
8. Me Vendimin nr. 157, datë 11.06.2025, *“Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant Nr.1 në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, të shpallur me vendimin nr. 27, datë 14.02.2025, të Këshillit”,* Këshilli miratoi renditjen e kandidatëve në garë për pozicionin vakant nr. 1, në zyrën e Prokurorisë Elbasan si vijon:
 - i. Erida Visoçi
 - ii. Gjergji Ceka
 - iii. Lorena Salillari
 - iv. Besmira Vishe
 - v. Ajkuna Anxhaku
 - vi. Eni Çulli
 - vii. Esmeranda Basho
9. Vendimi i është njoftuar kandidatëve në datë 15.07.2025, dhe nga zyra e Protokollit pranë Këshillit nuk është administruar në institucion deri më 22.07.2025, asnjë ankim gjyqësor në kuptim të nenit 22, pika 3, të Rregullores.
10. Prokurorja Erida Visoçi është renditur e para, me vendimin nr. 158, datë 11.07.2025, *“Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant Nr. 3, në Prokurorinë pranë Gjykatës së Shkallës së Parë të Juridiksionit të Përgjithshëm Durrës, të shpallur me vendimin nr. 27, datë 14.02.2025, të Këshillit”,* të Këshillit për pozicionin e shpallur vakant nr. 3, në zyrën e Prokurorisë Durrës, të cilën e ka preferencë të dytë.
11. Në kushtet kur, prokurorja Erida Visoçi, pozicionin vakant nr. 3, në zyrën e Prokurorisë Durrës e ka preferencë të dytë, Komisioni vijoi me propozimin për transferimin nëpërmjet lëvizjes paralele të prokurores Erida Visoçi në këtë pozicion vakant.
12. Kandidati Gjergji Ceka, me Vendimin nr. 162, datë 11.07.2025, *“Për transferimin e prokurorit Gjergji Ceka në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele”,* të Këshillit është transferuar nëpërmjet lëvizjes paralele në pozicionin vakant nr. 1, në zyrën e Prokurorisë Elbasan, shpallur me vendimin nr. 13, datë 16.02.2024, të Këshillit.

13. Në këto kushte, nisur nga renditja e miratuar sipas vendimit të sipërcituar, Komisioni i propozoi Këshillit, transferimin e prokurores Lorena Salillari në pozicionin vakant nr. 1, në zyrën e Prokurorisë Elbasan nëpërmjet procedurës së lëvizjes paralele, bazuar në nenin 45, pika 1 të Rregullores, ku parashikohet se:

“1. Jo më vonë se 7 ditë nga marrja formë të prerë sipas ligjit të vendimit për renditjen e kandidatëve në një procedurë lëvizje paralele mbi projektvendimin e përgatitur nga relatori, Këshilli merr vendim për transferimin në atë pozicion të lirë të kandidatit të renditur më lart.”

14. Znj. Lorena Salillari, është caktuar në detyrën e prokurorit në Prokurorinë pranë Gjykatës së Shkallës së Parë të Juridiksionit të Përgjithshëm Fier, me Vendimin nr. 259, datë 10.07.2023, “Për caktimin në detyrën e prokurorit”, të Këshillit.

15. Nga dosja personale rezulton se deri në datë 14.02.2025, znj. Lorena Salillari ka rreth 2 (dy) vjet (19 (nëntëmbëdhjetë) muaj) vjetërsi pune si magjistrat, të gjitha përvojë profesionale specifike në atë shkallë për të cilën kandidon.

16. Përsa më sipër vlerësohet e përfunduar procedura administrative për plotësimin e pozicionit vakant nr. 1, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, me transferimin nëpërmjet lëvizjes paralele të prokurorit Lorena Salillari, në këtë zyrë prokurorie.

17. Sa i takon hyrjes në fuqi të aktit dhe krijimit të pasojave, në kuadër të mirëfunksionimit të sistemit të prokurorisë në kushtet kur, Komisioni propozoi kalimin gradual në detyrë në zbatim të Kodit të Procedurave Administrative, konkretisht pikës 3, të nenit 104, “Fillimi dhe përfundimi i pasojave juridike të aktit administrativ” të tij, ku përcaktohet se:

“1. Një akt administrativ fillon të sjellë pasoja juridike ndaj palës së cilës i drejtohet apo interesat e së cilës preken nga akti, me njoftimin e përmbajtjes së aktit palëve.

2. Akti administrativ i miratuar në heshtje fillon të sjellë pasoja juridike, në ditën e përfundimit të afatit për njoftimin e tij, sipas nenit 97 të këtij Kodi.

3. Një akt administrativ mund të fillojë të sjellë pasoja juridike në një datë tjetër, të caktuar shprehimisht nga vetë akti, por në asnjë rast përpara njoftimit të palës, sipas pikës 1 të këtij neni. Në këtë rast, data e fillimit të pasojave juridike caktohet shprehimisht në pjesën e dispozitivit të aktit administrativ të shkruar.

4. Një akt administrativ sjell pasoja juridike:

a) për sa kohë nuk është anuluar apo shfuqizuar, kryesisht apo si rezultat i ushtrimit të mjeteve ligjore administrative ose gjyqësore;

b) për sa kohë nuk ka përfunduar afati i aktit ose nuk është përmbushur qëllimi i tij; ose

c) për çfarëdo arsyeje tjetër të parashikuar nga ligji.”

18. Referuar sa më sipër, pasojat juridike të aktit administrativ dhe fillimi i ushtrimit të detyrës efektive në zyrën e prokurorisë pritëse, në kuadër të mirëfunksionimit të sistemit të Prokurorisë, do të krijohen në një moment të dytë, konkretisht në datë 31.07.2025.

PËR KËTO ARSYE:

Bazuar në nenin 149/a, pika 1, germa "a", të Kushtetutës, në nenet 42 dhe 43, të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, në nenet 164, pika 8, 166, pika 2, 189, pika 1, germa "a", të Ligjit nr. 115/2016 "Për organet e qeverisjes së sistemit të drejtësisë", i ndryshuar, në nenin 104, pika 3, të Ligjit nr. 44/2015, "Kodi i Procedurave Administrative të Republikës së Shqipërisë", si dhe në nenin 45, të Vendimit nr. 261, datë 17.11.2020, "Për miratimin e Rregullores "Për transferimin e prokurorëve nëpërmjet procedurës së lëvizjes paralele", e ndryshuar, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Transferimin e prokurorit Lorena Salillari në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet lëvizjes paralele.
2. Marrëdhëniet financiare që lidhen me pagën dhe përfitimet e tjera do të përballohen nga Prokurorinë pranë Gjykatës së Shkallës së Parë të Juridiksionit të Përgjithshëm Elbasan duke filluar nga data 31.07.2025.
3. Të njoftohen për këtë vendim Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Fier, Prokuroria pranë Gjykatës së Shkallës së Parë të Juridiksionit të Përgjithshëm Elbasan dhe prokurori Lorena Salillari.
4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 25.07.2025.

KËSHILLI I LARTË I PROKURORISË

KRYETAR
Mirela Bogdani

ZV/KRYETAR
Erind Germenji

ANËTAR
Sokol Stojani

ANËTAR
Ledina Riza

ANËTAR
Moisi Duda

ANËTAR
Vatë Staka

ANËTAR
Erion Fejzulla



KOPJE WEB